

豫

章

焚

書

第三册

豫

章

集

書

卷之四

宗伯集卷四

宋 孔武仲 常父 著

古詩

錢穆仲有高麗松扇館中多得者以詩求之

巨鰲昂頭鯨掉尾東顧滄溟

百家本作滄茫

天接水錢公涉

險如通渠破帆

一作扁舟

一抹三千里島夷之國遠且偏

歸來逢人語輒喜大荒茫茫最宜松直從曠野連深

宮聽聲卧影已不俗況作團扇搖清風

一云團人法治極纖巧故

有團扇

人情重遠由來事不貴黃金貴楮矢況有新

詩傳四方羣豪迫隨弄薦章我雖相見無所得坐憶

松鶴生微涼

往年廬山見僧房有高麗松扇欽之不盈寸舒之則雲山松鶴意趣甚遠

錢公治迹歷張趙偷兒破膽皆摧藏桴鼓不鳴已三
月凜凜霜威破殘熱從公覓扇更覓詩願報瓊瑤無
時衰

內閣錢公寵惠高麗扇以梅州大紙報之仍賦

詩

昨夜秋風來戶庭殘燈閃滅微涼生得公團扇未及
用挂在空堂神骨清但將遠趣醒耳目不獨暑月排
歎蒸慙當厚意無以報前詩空說玖與瓊漆箱猶有
南中紙闊似棋盤淨如水傳聞抄之自梅州蠻奴赤

脚踏溪流銀波滲微雲蟾蜍入軸萬杵光欲浮收藏
終恐非吾物寶劍銀鈎有時失不如苞卷歸文房錢
公家世能文章五日京兆聊爾耳歸步金鑾登玉堂
玉堂不復知吏事紫橐一作荷囊華簪奉天子鳳閣曾觀
思湧泉謫仙今振辭如綺不似冷官大苦辛吟哦風
月愁山鬼

秋夜對月

月行青天入重雲金盃洩洩穿魚鱗須臾雲收境落
靜虛空表裏無纖塵寒光正與人相射碧琉璃中低
玉盆微風更入北窗竹餘聲颯洒清心魂頗疑碧落

在步履廣寒清都相與鄰乘槎去後事寂寞至今織
室臨河津却思白日走城郭浮埃馬足何紛紛勞之
以晝逸以夜天意儻欲甘苦均人生南北無定所浪
自轉徙隨燕秦關河渺邈鄉井異惟有明月來相親
崎嶇萬里如咫尺圓缺惟有年年新如茲久要乃可
喜相對可不羅壺樽黃金如不付酒媼雖富不如長
賤貧重城沉沉桂魄下松蘿永愧山人

觀鍾離中散草書帖

兒童不識草書法但見滿紙鱗蛇結安知筆法追古
初睨視眾體稱雄傑事忙往往無暇寫屬思幽窗乃

奇絕鍾離昂昂散人後寄跡一官今白首潛心妙趣
百事忘興來書空不停手當年飄泊重湖外翰墨已
有時流愛風波頓挫格逾邁羽翩翩入吾輩一時
已闕紙價高千古定有書名在何當酒掃竹洞邊雲
醅滿泛黃金船萬事崢嶸置毫末三盃縱逸如張顛
相如本不誇勢力休論脫帽王公前

憶九江呈李端叔

家園大江東清溢映岸蘆波光搖空濶嵐翠隨捲舒
廓然形影消所見惟清虛此時列仙宅當年來卜居
一官老南北十年棄樵漁諒無飛昇骨宜與煙霞疎

子亦喜登臨持氣爲舟車乘馬蹇虹蜺俯澗窺蟾蜍
賦詩不計篇飲酒動斗餘一爲簪纓縛屢感歲月除
西征臨瀚海東使騎鯨魚歸來顏已蒼相見兩勤渠
話及少年事慨然詠歸歟富貴非所期朝衣裹猿狙
鼎食多憂煎未若羹園蔬何當永卜鄰之子同耕鋤
清風卧醉石落日登籃輿道逢酒家旆聊復爲躊躇
白首入石城君心竟何如不然因便道鳴騶時訪余

五鼓

夜枕回遠夢北窗覺微明遙知扶桑曲萬頃搖光晶
江海已滄海魚龍俱震驚大哉陽德敏頃刻周四溟

天星黯餘照林鷺颯先聲栖鳥不安巢世務新營營
陽德固主動與物皆流行君子法天時燕居常夙興
流火感隙駒翰音伺鷄鳴焚香奉真祠篝衣尋二經
夜氣常未曉神觀則愈清力省功或倍心虛思彌精
道要處戒定自伐如刀兵書紳以自勸因之遣友生

戊辰雪

初臘氣亦佳窮冬雪還虐晚風淅瀝響暮勢聯翩作
餘寒逼觥舛遠景明池閣想像山陰人扁舟在寥廓
又

歲日雪亦好今日差可憂盈尺望已足太多民始愁

穀價起如涌城郭飢者稠後期無乃遲春郊多麥麴

館中竹影

綠竹帶斜暉
猗猗有餘態
微風到簾櫳
舞影入圖繪
更無餘聲雜
真與妙意會
掩卷罷吟哦
誰同此三昧

早起趨朝

山房客夢驚
視聽兩清絕
蕙爐香寂寞
半挂北窗月
重城車馬動
起坐俟明發
華蓋望宸居
烟霏隔雙闕
閣下曾食贈
張文潛

錦帶貂裘亦不惡
宿酒移春入顏角
人憐枳棘棲鳳凰
詔許青山入雲閣
爲我坐滿離騷篇
森羅屈宋俱

眼前却歸北齋枕書眠夢乘紫雲飛上天覺來斜日
催野鞭隨車擲果長安市不信潘郎骨已仙

館宿

啾啾簷間雀側翅相悲鳴歲晏寒雖壯雲稀雪未成
同舍布路歸禁局斷人行敗箕擁殘葉偃僂一老兵
念非大瀟洒安得耳目清爐焰久更高宵鼓動嚴城
送吳叔揚通判代州

鴈門襟喉地北瞰單于城漢騎罷深入塞垣春草生
題輿當遠去磴道歷崢嶸載路壺漿饋出郭幡旗迎
公堂足奉養美酌與犀兵漏刻閑愈永衣裘寒更輕

五臺聚仙聖事迹眾所驚新篇時冥邈萬怪登幽情
政成早歸來銀章對承明未遂遊邊志美君爲此行
和黃魯直送茶

喜君累送雲溪茗值我正校琅函書飲罷清風生兩
腋吟成碧海登明珠誰能播間享膏腴只意林泉身
自如他年遠別歸賀監乞取茶山比鏡湖

又

君茶勇與睡魔鬪但恐濕我腹中書欲醺黃金臺上
意愧乏夜光明月珠多君藻思比華腴

下闕

送邵彥瞻通判濠州

民情極簡易關決未應勞佳句再我知爲君強揮毫
送徐成之通判決宣軍

少年意氣橫寥廓卒拔龍泉出鋒鏑人情俱欲近長
安天語新令倅河朔霜風凜冽吹邊州青驄駿馬錦
貂裘也知未足稱才用猶勝當年爲薄遊故人白髮
今憔悴別來慙勤儻相記塞鴈高飛不可憑寄聲亦
有南歸使

晁無咎張文潛同校君臣事迹因贈

舊省深沉天上居道貌日與塵容疎天公恐我太寂
寞更遣兩仙同校書名臣已去騎箕尾尙有規模在

新史浩然初若泛滄溟目眩形勞安得止興亡治亂
畧可知兩公少壯方施爲齋房比隣數相就聽公清
談勝飲酒

高樓行

天悠悠雲羃羃半夜微聞奏笙笛爛彩蹙飛仙鶴雛
戢其翼高樓百尋當大途東臨紫垣望青都中山黃
封壺五陵豪少來飲娛夷門帝家盛遊樂奔走環觀
溢城郭如今無吏橫索錢縱飲誰愁家寂寞

丁卯春雪呈同僚

經世無甘澤帝爲元元憂新正得一雪尙可期有秋

風聲東北來浩浩舉山邱飛霰爲先驅繁英已綢繆
堆深地欲蟄舞急川爭流沉沉西崦暮落勢漫不收
盡移白玉京來爲帝王州竊鬼窟相泣淒涼吾罷休
旱魃亦失氣耿耿空自囚從茲民其康終歲飽麥麴
端門盛佳氣策府多英遊諒多贊時瑞豈獨吟空愁
金樽發清揚思湧如雲浮請歌豐年占以代擊壤謳

大風入朝

風從何來落何處百馬盤空正號怒閉戶猶入山頽
傾誰人放舟江海去廬山之南白雲翁冠帶強遊京
邑中狐裘包纏不煖體却美爰居能避風

送呂無咎之官塞上

人生苦南北相見出偶爾喧闐都市中乃復遇之子
東萊遽別後故人今有幾詵詵塾與序進學亦可喜
語闌行色動輕裘有知己去去何當面山川正芳暉
邊州剩厨傳應不典春衣

蠟梅二絕黃魯直云王都尉有之邀同賦

蠟梅直何如但聞鄭家說淡日明晨霜涼酥點春雪

又

清嫌水麝俗淡比池鵝黃情知不是蠟風定有餘香

道傍樹

蟠根官道傍生飽禁晨霜春風功力微磔硃百尺長
肌膚凝金鐵久雪凍不僵度歲亦辛苦成材必堅強
他時擎大厦白蟻胡能傷

游城北李氏園池

池塘春色歸波水已極目鳬鴈稍下來垂楊舞新綠
登臨不憚遠枉徑入重復已見數種花參差隔修竹
非特野興長彩翠動華屋沁園天下名魯館當年築
百年猶盛麗風景冠輦轂當時手種植仰視皆喬木
主人況仁賢客至初不速躋坂脚力盡更酌以醺醑
左右列圖書南北置綬蔽夕陽整歸驂尙謂夜可卜